

საქართველოს ტექნიკური უნივერსიტეტის
აკადემიური საბჭოს
2011 წლის 6 მაისის
დადგენილება № 450

“საქართველოს ტექნიკურ უნივერსიტეტში
აკადემიური დატვირთვის გაანგარიშებისა
და განაწილების ინსტრუქციის” ცვლილებათა შესახებ

საქართველოს ტექნიკური უნივერსიტეტის აკადემიური საბჭო ადგენს:

შეიცვალოს “საქართველოს ტექნიკურ უნივერსიტეტში აკადემიური დატვირთვის გაანგარიშებისა და განაწილების ინსტრუქციის” მე-4 მუხლის 1-ლი პუნქტი და მე-7 პუნქტის მე-2 ქვეპუნქტი, მე-5 მუხლის მე-3 და მე-4 პუნქტები და ისინი ჩამოყალიბდეს შემდეგი რედაქციით:

- 4.1 ბაკალავრიატის სწავლების პირველ წელს ჩამოყალიბებულ აკადემიურ ჯგუფებში სტუდენტების რაოდენობა განისაზღვროს, როგორც წესი, არანაკლებ 20-ისა და არა უმეტეს 30-ისა ჩარიცხული კონტინგენტის მიხედვით; იგივე წესით მოხდეს მობილობის შედეგად ჩამოყალიბებული აკადემიური ჯგუფების ფორმირება;
- 4.7.2 სადოქტორო საგანმანათლებლო პროგრამით გათვალისწინებული სპეცურსის/კურსების აკადემიური ჯგუფი შედგება 20-25 სტუდენტისგან (როცა ამის შესაძლებლობა არის), რომელიც ფორმირდება ფაკულტეტის სხვადასხვა მონათესავე მიმართულებების დოქტორანტებისგან. სპეცურსს/კურსებს ეთმობა 15 კრედიტი ჯამური 99 საკონტაქტო საათის ოდენობით ერთ აკადემიურ ჯგუფზე, რომელიც სრულდება სწავლების არა უმეტეს პირველი ორი სემესტრის განმავლობაში.
- 5.3 ვაკანტური (საათობრივი) აკადემიური დატვირთვის საათები პირველ რიგში საათობრივი ანაზღაურების ნიხრით ნაწილდება აკადემიურ პერსონალზე (მისი თანხმობის შემთხვევაში). საათობრივ დატვირთვაზე შეიძლება აგრეთვე სხვა დეპარტამენტის აკადემიური პერსონალის მოწვევა;
- 5.4 აკადემიური პერსონალის, მოწვეული პროფესორის, უფროსი მასწავლებლის, მასწავლებლისა და მოწვეული სპეციალისტის ჯამური აკადემიური დატვირთვა არ უნდა აღემატებოდეს 1100 საათს.

აკადემიური საბჭოს თავმჯდომარე

ა. ფრანგიშვილი

აკადემიური საბჭოს მდივანი

გ. სალუქვაძე